

# Азьянь

ВКП(б)-лэн УАССР-ысь Ярской Райкомезлэн но РК-лэн органзы.

Адрес: посёлок Яр, Уд. АССР Телефон № 43. дуняз 5 коп. 11-тй арзэ потэ.

## 15 ФЕВРАЛЕ УСТЬИСЬКИЗ ПАРТИЛЭН XVIII ВСЕСОЮЗНОЙ КОНФЕРЕНЦИИЗ

15 февралэ Кремлёвской дворецлэн бадым залаз ужаны кутскиз партилэн XVIII Всесоюзной конференциез.

18 часэ залэ пыро Н. В. Сталин, В. М. Молотов, К. Е. Ворошилов, М. И. Калинин, Л. М. Каганович, А. А. Андреев, А. А. Жданов, А. И. Миколя, Н. С. Хрущев, Л. И. Берия, Н. М. Шверник, Г. М. Маленков.

Делегатёс но конференциез отем кунос пöсь мылгыдын пумитало Сталин эшез но солэсь соратник'ёссэ—партилэсь но правительстволэсь кивалтйёссэ. Ваньмыз султо. Коя ке минут Чоже мынэ кужмо евация, мыно Сталин эшлы но ВКП(б)-лэн Ленинско—Сталинской Центральной Комитетэзлы сизем салам'ёс.

— Дано мед луоз Сталин эш!

— Бадым Сталинлы ура!

Партилэн Центральной Комитетэз көсэм'я А. А. Жданов эш партилэсь XVIII Всесоюзной конференциез усьгөмен лля. Бырийське президиум, секретариат но мандатной комиссия, тупатйське конференцияз ужан порядок. Собере конференцияз нырысетй эскероно вопросэ'я доклад лэстын понна кыл сөтйське ВКП(б)-лэн ЦК-езлэн секретарезлы Г. М. Маленков эшлы. Маленков эшез делегат'ёс жутйськем мылгыдөн пумитало, докладэз сак кылеко.

Таин йылпум'яське конференциялэн нырысетй заседаниез.

### Конференцилэн президиумез

- |                      |                       |                     |
|----------------------|-----------------------|---------------------|
| 1. Алемасов А. М.    | 14. Калыберзин Я. Ф.  | 27. Свечкус А. Ю.   |
| 2. Андреев А. А.     | 15. Кузнецов А. А.    | 28. Сталин И. В.    |
| 3. Аношин И. С.      | 16. Куприянов Г. Н.   | 29. Сяра К. Я.      |
| 4. Арутинов Г. А.    | 17. Куусинен О. В.    | 30. Тимошенко С. К. |
| 5. Багиров М. Д.     | 18. Корниенко Л. Р.   | 31. Фовин М. М.     |
| 6. Берия Л. П.       | 19. Маленков Г. М.    | 32. Хрущев Н. С.    |
| 7. Бородин П. Г.     | 20. Миколя А. И.      | 33. Чарквяни К. Н.  |
| 8. Бурмистенко М. А. | 21. Михайлов Н. А.    | 34. Шверник Н. М.   |
| 9. Вагов А. В.       | 22. Молотов В. М.     | 35. Шкирятов М. Ф.  |
| 10. Ворошилов К. Е.  | 23. Николаева К. И.   | 36. Щербаков А. С.  |
| 11. Жданов А. А.     | 24. Пономаренко П. К. | 37. Юсупов У.       |
| 12. Каганович Л. М.  | 25. Протопопов Д. З.  | 38. Ярославский Ем. |
| 13. Калинин М. И.    | 26. Скворцов Н. А.    |                     |

### Конференцилэн секретариатэз

Поскрёбышев А. Н. Александров Г. Ф. Поспелов П. Н.  
Мехлис Л. З. Двинский Б. А.

### Конференцилэн мандатной комиссиез:

Андрянов В. М.	Патолитчев И. С.	Суслов М. А.
Борков Г. А.	Попов Г. М.	Чулянов А. С.
Задонченко С. В.	Родионов М. И.	Шамберг М. А.
Никитин В. Д.	Савченко А. А.	Шаталин Н. Н.
Пальцев Г. Н.		

### Партилэн XVIII Всесоюзной конференциезлэн ужан порядоноз

1. Промышленность но транспортн ужан ласянь партийной организациослэн задачаоссы сярэсь—докладчик МАЛЕНКОВ эш.
2. 1940 арлэн хозяйственной итог'ёсыз сярэсь но 1941 арын СССР-лэн калык хозяйствоэзлэн азыланьскон планэз сярэсь—докладчик ВОЗНЕСЕНСКИЙ эш.
3. Организационной вопрос'ёс.



И. В. Сталин но К. Е. Ворошилов эш'ёс 1935 арын.

## 20-тй номеро Алышевской первой окружной избирательной комиссилен постановлениез

Удмуртской АССР-ысь трудящойёслэн депутат'ёссылэн районной, городской, сельской но поселковой Совет'ёсазы быр'ён'ёс сярэсь Положенилэн 59, 60, 63 но 66 статьяосыз'я но Удмуртской АССР-лэн Верховной Советэзлэн 23-тй январе 1941 аре потэм Указэзлэн „Г“ пунктэз'я трудящойёслэн депутат'ёссылэн Н-Чуринской сельской Советазы 20-тй номеро Алышевской первой избирательной округ'я депу-

тат быр'ён понна кандидатэ зарегистрировать кароно Татьяна Романовна Сысоева эшез, 27 арес, беспартийная, улэ Алышево гуртын, ужа рядовой колхозница луыса. Выставить каремын Ярской районной коммунистической организации но Алышево колхозысь колхозник'ёслэн общей собранияенызы. Та избирательной округ'я баллотироваться кариськон вылысь согласиз сөтйз Сысоева эш.

Окружной избирательной комиссилен председателез И. ВАСИЛЬЕВ.  
Окружной избирательной комиссилен секретарез С. СЫСОВ.  
Окружной избирательной комиссилен членез А. СЫСОВА.

## 3 тй номеро 3-тй Н-Чуринской окружной избирательной комиссилен постановлениез

Удмуртской АССР-ысь трудящойёслэн депутат'ёссылэн районной, городской, сельской но поселковой Совет'ёсазы быр'ён'ёс сярэсь Положенилэн 59, 60, 63, 66 статьяосыз'я но Удмуртской АССР-лэн Верховной Советэзлэн 23-тй январе 1941 аре потэм Указэзлэн „Г“ пунктэз'я трудящойёслэн депутат'ёссылэн Н-Чуринской сельской Советазы 3-тй номеро Н-Чуринской избирательной округ'я депутат быр'ён понна кан-

дидатэ зарегистрировать кароно Павел Данилович Завалин эшез, 24 арес, комсомолец, улэ Лэз'я гуртын, ужа „Молот“ колхознын рядовой колхозник луыса. Выставить каремын Ярской районной коммунистической организации но Калинин эшлэн нимыныз нима колхозысь колхозник'ёслэн общей собранияенызы. Та избирательной округ'я баллотироваться кариськон вылысь согласиз сөтйз Завалин эш.

Окружной избирательной комиссилен председателез П. ДАНИЛОВ.  
Окружной избирательной комиссилен секретарез М. СЕМЕНОВА.  
Окружной избирательной комиссилен членез Е. ПОТЕМКИН.

## 15-тй номеро 3-тй Дусыковской окружной избирательной комиссилен постановлениез

Удмуртской АССР-ысь трудящойёслэн депутат'ёссылэн районной, городской, сельской но поселковой Совет'ёсазы быр'ён'ёс сярэсь Положенилэн 59, 60, 63, 66 статьяосыз'я но Удмуртской АССР-лэн Верховной Советэзлэн 23-тй январе 1941 аре потэм Указэзлэн „Г“ пунктэз'я трудящойёслэн депутат'ёссылэн Н-Чуринской сельской Советазы 15-тй номеро 3-тй Дусыковской избирательной округ'я депутат быр'ён понна кандидатэ заре-

гистрировать кароно Михаил Романович Дементьев эшез, беспартийной, 39 арес, улэ Сталин эшлэн нимыныз нима колхозын, ужа колхозын счетовод луыса. Выставить каремын Ярской районной коммунистической организации но „1-й май“ колхозысь колхозник'ёслэн общей собранияенызы. Та избирательной округ'я баллотироваться кариськон вылысь согласиз сөтйз Дементьев понна кандидатэ заре-

Окружной избирательной комиссилен председателез А. УШАКОВ.  
Окружной избирательной комиссилен секретарез А. АДАМОВА.  
Окружной избирательной комиссилен членез С. ГЕРАСИМОВ.

## 12-тй номеро 3-тй Горьковской окружной избирательной комиссилен постановлениез

УАССР-ысь трудящойёслэн депутат'ёссылэн районной, городской, сельской но поселковой Совет'ёсазы быр'ён'ёс сярэсь Положенилэн 59, 60, 63, 66 статьяосыз'я но Удмуртской АССР-лэн Верховной Советэзлэн 23-тй январе 1941 аре потэм Указэзлэн „Г“ пунктэз'я трудящойёслэн депутат'ёссылэн Ярской поселковой Советазы 12-тй номеро 3-тй Горьковской избирательной округ'я депутат быр'ён понна кандидатэ зарегистрировать

кароно Григорий Степанович Владыкин эшез, 86 арес, улэ Яр поселокын, ужа заготовивськыслэн заведующоюз луыса. Выставить каремын Ярской районной коммунистической организации но Пермьской чулун сюреслэн Яр станциясь служба путилэн 3-тй дистанциясьтыз рабочийёслэн но служащойёслэн общей собранияенызы. Та избирательной округ'я баллотироваться кариськон вылысь согласиз сөтйз Владыкин эш.

Окружной избирательной комиссилен председателез К. НИКИТИН.  
Окружной избирательной комиссилен секретарез Н. ПЕРЕЯСЛОВ.  
Окружной избирательной комиссилен членез Г. АГАФОНОВ.

## „Диктатура пролетариата“ но Куйбышевлэн нимыныз нима колхоз'ёслэн бордгазет'ёссы кызы ужам сярэсь

ВКП(б)-лэн Ярской райкомезлэн бюроезлэн 7 февралэ 1941 аре кутэм постановлениез „Диктатура пролетариата“ но Куйбышевлэн нимыныз нима колхоз'ёслэн бордгазет'ёссы кызы ужам сярэсь первичной парторганизациослэн секретарь'ёссылэз Иванов но Куртеев эш'ёслэсь доклад'ёссэс кылскыса, РК ВКП(б)-лэн бюроез пус'е, что та бордгазет'ёс 1940 арын шодскымон умоязы.

Нош сонин валче тырмытэосыз но вань на. Бордгазет'ёс шер пото (2-3 номер толэзлы). Газетэ потэм статьяосы уже пыртон ласянь уж ожит нуиске, колхозной актив газетэ ожит гож'я. Первичной парторганизациослэн секретарь'ёсы Иванов но Куртеев эш'ёс бордгазетэн кивалтонлэсь палэнын сыло, первичной парторганизацилэн собранияз бордгазетлэсь кызы ужамзэ уг эскеро. Озы ик партсобраниян уг эскерыло бордгазетэ потэм куд-ог статьяосы. Лябыт нюр'ясько бордгазетэн шараям тырмытэосы палэнтон бордын.

### РК ВКП(б)-лэн бюроез пунктэ:

1. Первичной партийной организациослэн секретарь'ёссылэ Иванов но Куртеев эш'ёслы указать кароно, что соос бордгазетлэн ужамез вылэ безответственно учко. Куроно соослэсь, что бы соос бордгазетлэн ужамез вылуналысь нуналэ мед кивалтозы. Бордгазет'ёс мед луозы боевой, политически выдержанной. Нуналмысь но план'я ужано бордгазетлэн активеныз.
2. Ивановез но Куртеевез косоно толэзлы быдэ 4—5 пол'газет поттон кылдытны.
3. Ивановез но Куртеевез редактор'ёсын чош косоно толэзлы быдэ газет поттон план гожтылмын. План'ёсты эскерылон понна редколлегие партийной но комсомольской организациослэсь представительёссэс но газетлэсь активзэ ытылоно.
- Бордгазет'ёс тырмытэмын мед луозы боевой материал'ёсин, куд'ёсыз колхозник'ёсты коммунистиче-

- ски воспитать каро но мобилизовать каро хозяйственно-политической ужпум'ёсты быдэстөнэ.
4. Бордгазетлэсь редактор'ёссэ но селькор'ёсты дышетон ласянь нуналмысь уж нуны косоно „Азылань“ газетлэсь редакциез но ВКП(б)-лэсь пропаганда но агитация отделэз.
5. Первичной партийной организациослэсь секретарь'ёссэс но кандидатской группаослэсь кивалтйёссэс вуоно партийной собранияосын обсудить карытоно та постановлениез. Собере бордгазет'ёсты умоятон ласянь конкретнэй ужрад'ёс кутытоно.
6. ВЛКСМ-лэн райкомезлэсь секретарьэз Анисимова эшез но „Азылань“ газетлэсь редакторзэ Волков эшез 20 февралэз косоно первичной комсомольской организациослэсь секретарь'ёссэс люканы но отын бордгазет'ёсты умоятон сярэсь вопросэз эскернын. ВКП(б)-лэн райкомезлэн секретарез Смирнов,

## СЕРГО ОРДЖОНИКИДЗЕ

Орджоникидзе эш вордскиз 23 октябры 1886 арын Западной Грузиысь Гореще гуртын начар ульсь крестьянской сем'яын. 17 арес тырмыса со коммунистической партияе пыриз. Со дырысен собере Сталин эш кивалтэм'я ужаз. 1903 но 1912 ар'ёс кустын Орджоникидзе кивалтылиз маевкаосын, демон-



Г. К. Орджоникидзе.

страциосын. 1905 арын революция дыр'я революционной рабочийёслы оружиос сёт'яллыз. Орджоникидзе эш туж активно ужаз Всероссийской Пражской Партийной конференциез дасын бордын.

Тифлисысь, Сухумиысь, Бакуысь тюрьмоос но сибирской тайга большевиклэсь-революционерлэсь кужымзэ ёз чылгэ. Тюрмаоссысь но сылкаосысь легзылыса, со эшино но бадзым мылкыдэн революционной уж борды кутскылиз. 1912 арын Пражской пар-

тийной конференция бере Петроградэсен Орджоникидзе эш полиция кутыз. 3 ар чоже сое возызы Шлиссельбургской крепостын. Собере пырак азелы Якути келязы. Ссылкаысь Орджоникидзе эшез 1917 арын февральской буржуазно-демократической революция гинэ мозмытыз. Якутиысь со Петроградэ дыртэ Ленин но Сталин эш'ёс доры. Ленин но Сталин эш'ёс соку татын Великой Октябрьской штурм дасяло вал.

Гражданской война ар'ёсы Орджоникидзе Украинаын Чрезвычайной комиссар вал. Собере Россиян Юг палаз полководец вал. «Ленинской комиссар» шуыса калык'ёс Орджоникидзеез нимзы.

Орджоникидзе эш участвовать кариз Грузиысь, Азербайджанысь, Армениясь калык'ёсты интервент'ёс улысь мозмытонь. Закавказской федерацие Грузиез, Азербайджанэз но Арменияз огазеям бере вить ар чоже Орджоникидзе эш большевик'ёслэн закавказской организациеныз кивалтыз.

1921 арысен Орджоникидзе партилен ЦК-езлэн членэз, а 1930 арысен Политбюроезлэн членэз. Орджоникидзе эш кивалтэм'я будыз но юнмаз асьмелэн тяжелой индустриямы но оборонной промышленности. Кулыз'со 18 тий февралэ 1937 арын. Орджоникидзе эшлэн кулэмез коммунистической партия но вань советской калык понна туж секыт ыштэм луэ.

## В К П (б) РАЙКОМЛЭН ПЛЕНУМЫСЬТЫЗ

12-тий февралэ 1941 аре ортчиз ВКП(б) райкомлэн пленумез. Пленум кылскиз ВКП(б)-лэн Удмуртской Обкомезлэн Январской пленумезлэнитог'ёсыз'я ВКП(б) райкомлэн секретарезлэсь Смирнов эшлэсь докладэз.

Пленум пусйиз, что промышленностен кивалтон'я но парти радэ пыртон'я ВКП(б)-лэн Удмуртской Обкомезлэн пленумезлэн решенияз верам тырмытэос быдэсак относиться карисько асьмелэн районной партийной организациемылы но.

Пленум пусйиз, что райкомлэн бюроез тырмыт ёз кивалтылы районьсь промышленной предприятиослэн уженызы. Первичной парторганизацислы но предприятиослэн директор'ёсылы та ласын тырмыт кивалтон сётчамтэ. Соин сэрэн районьсь промышленной предприятиос урод ужазы.

Вершинской вуко проектной мощностез'я быдэсак уже кутымтэ на. Юэз перерабатывать карон бордын вуколэн кужымез 52 процентлы гинэ уже кутымын, а электростанцилэ кужымез солэсь но ёжит. Ульяновской львозавод 1940 арын планэз ёз тырмыты, егын-мертчанлэн зечлыкэз'я план 67 процентлы гинэ тырмытэмын.

Пленум пусйиз, что райсоветлэн исполкомез ВКП(б)-лэн ЦК-езлэн но

СССР-лэн СНК-езлэн постановленизыя решение кутыз ке но интыысь промышленностез паськытатон ласын номере но лэсьтымтэ на. Сыр'ё вань дыр'я но корзинкаосты керттон но столярной мастерскойёс усътымтэ. Промартельлэн но местпромлэн мастерскойёсыз чидантэм урод ужало.

Райкомлэн пленумез озыык пусйиз сое, что партияе пыртон'я районной партийной организациелэн кёня ке азинскон'ёсыз вань ке но, куд ог первичной парторганизацис партие пыртон'я индивидуальной отборез санэ уг басытыло на. Партияе пырто пырпоч эскерымтэ мурт'ёсты. Со сяна, куд-ог коммунист'ёс Аввакумов, Трефилов но мукет'ёсыз рекомендацис сётон борды туж капчин учко. Озыык ик уж урод пуктэмын партие выль пыртэм'ёсты воспитать карон'я. Соин сэрэн районной парторганизацисын ВКП(б) членэ кандидат'ёс пöлысь 61 процентэз кандидатын улон стажэз просрочить каризы ни.

ВКП(б) райкомлэн пленумез решенияз гожтыз: ВКП(б)-лэн Удмуртской Обкомезлэн январской пленумезлэсь решенизэ одно ик уж вылын быдэстоно шуыса.

Вань та вопрос'я райкомлэн пленумез кутыз конкретной решение.

## Гуртады ша-го-ом марш-ш!

Райкомлэн военной отделеэз но оссавиахимлэн райсоветэз райцентрысь партиактив понна военной ужлы дышетскон тупат'ы.

Та дышетскон мынэ ини кемалась. Озыык ке но военной ужлы дышетскон уж кулэез'я пуктэмын ёвёл на. 44 мурт ветлон интые 10—15 мурт сяна дышетскыны уг ветло.

Военной ужлы дышетскон малы озыык урод пуктэмын?

Нырысь ик солэн причинаез со луэ, что занятисоты ортчыт'ян план умой-умой тупатымтэ. Соин сэрэн коммунист'ёс трос дыр'я дышетскыны мыныны уг тодо. Занятиос срываться карисько Озыык ик луиз 3 февралэ ортчез занятиын но.

Та занятиез орчытно вал 3-тий февралэ. Та сярэсь коммунист'ёслы ивортэмын вал занятилэсь азыло 2—3 час гинэ. Соин ик военной занятие 10 мурт сяна ёз лыкты.

10 муртэн гинэ военной занятие ёз ортчыт'ыскы ни. Люкаськем мурт'ёс кётсы тырымон домноен шудызы но, собере соослы команда сёт'ыскиз: «Гуртады ша-го-ом марш-ш! шуыса.

Кема-а партактивлэн военной ужлы дышетскон занятиосыз тазы орчылозы на?

Ку гинэ Норин эш партактивлэсь военной ужлы дышетсконзэ умоятон борды кулэез'я кутскоз?

А. Булданов.

## Шефствовать карись пинал'ес понна

### Кызы утялтоно кунянез

Али гинэ вордскем кунялэн улоназ нырысь 10—30 нунал'ёс самой кышкыт нунал'ёс луо. Таце дыре кунял'ёс чем дыр'я висё кот висёнэн. Со висёнлэсь ик чем дыр'я бырыны но шедё.

Али гинэ вордскем кунял туж ляб, со пыдылаз но мырдэм сылэ, йырзэ умой-умой возыны уг быгаты, гозэз солэн кот. Солэсь кот гонзэ чушылоно дун кёс зустыриен, собере марин ке мукет дыськутэн шобартыса, вордскем кунял'ёслы нимысьтыз вис'ям помещение—профилаторие пыртоно. Нош отын азыло ик дасътэмын мед луоз ёвёлдэм кёс куро, чылкыт клетка.

Кунянез клеткае пыртыса, сое отын шутэскично. Нош 1—1,5 час котыр дыр ортчез бере мумилэсь йёлзэ сётно, йёл кезыт медаз луы. Если йёл малы ке но кынмыны шедиз ке, сое одно ик 35—38 градусозь шунтоно, только тыл вылын шунтоно ёвёл: йёлын ведраез пёсь вуэ лэзыса шунтоно. Кулэ градусозь йёлзэ шун-

тон понна сое умой-умой суралляно.

Опытной пудо вордысь туж жог дышетэ кунянез ведраысь йёл юны. Нош уг ке дышы, соку куняны соска пыр йёл люктаны луэ. Трос дыр'я кунял ачиз но йёл юны жог дыше.

Куняны йёл сётно зоотехниклэн нимысьтыз тупатэм нормаез'я, вордскем пумысеныз 4—5 литрлэсь трос йёл сётны уг яра.

Вож кунянез нуналаз 4—5 пол йёлын люктано. Талэсь шер люктаса, солы трос йёл кулэ, нош трос йёл люктаса кунялэн кётыз тордэ, собере висыны кутске.

Каждой куняны быдэ нимысьтыз ведра но щетка возёно. Ведра чылкыт мед луоз, кунял люктам бере сое пёсь вуэн миськоно. Кунялэсь кызы будэмзэ тодыны понна, 2—3 нуналскын сое мерталляно, солы понна нимысьтыз клеткаё вес тупатно.

Кунял'ёс котьку но чылкытэсь мед луозы. Нуналлы быдэ одйг пол соосты небыт щеткаен сузяно. Нош щетка борды курмем дэриез корт сынэн вис'яно. Сы-

нам кунял гонзэ нимысьтыз яйчик'ёсы люкано. Кунял улэ ёвёлдэм курооз кык пол, кунял пол нуналаз вош'яно.

Кунял возён интыын 10—14 градус шунтэз мед луоз. Сое тодон понна борддор борды градусник ошоно. Кунял возён интыын котьку ик чылкыт но кёс мед луоз. Со сяна, дырын-дырын сое толатоно. Солы понна мед луозы форточкаос яке вентилятор'ёс. Форточкаос но вентилятор'ёс усътэмын ке, ёс'ёс пытсамын мед луозы, сотэк сквозняк луоз но кунял'ёс уродмыны шедёзы. Вож кунял'ёсты возён интыын омыр чылкыт мед луоз шуыса, отчы ошылоно сусипулэсь, кызлэсь яке пужымлэсь лыс'ёсэ.

10—15 нунал ортчез бере, вож кунял'ёсты профилаториысь кунял гид'ёсы выжтоно. Нош татын но соосты нимаз-нимаз клеткаосын возёно. Туж шер дыр'я гинэ одйг интые 3—4 кунял кельтыны луэ. Малы уг яра кунял'ёсты одйг интыын возыны? Уг яра соин, что таце дыр'я одйг кунял висыны шедё ке, мукет'ёсыз но висыны усе.

Кунял гидэ ваем кунял'ёсты нуналаз кунял пол

сюдо. Соослэн нормазы мукет ини, со нормаез нош ик зоотехник тупатэ.

20—25 нунал бере, йёл люктан сяна, куняны чылкыт турын сётно. Со сяна, одйг пол, кык пол нуналаз брехтэм ву сектало на. Луэ сётны сезпызы кисаль но.

Кунял гидэ ваем кунял'ёсты озыык умой утялтоно, кызы соосты утялтызы профилаториын. Кунял гидэ микроб'ёс медаз вуэ шуыса, отчы пырыку киез чылкыт миськоно, ёвлэ нош халат дисяно. Нош солы понна кунял гидэ пырон азе кимиськоно но чушкон ошоно.

Шёдтэк шёдиды ке кунялэсь уродмемзэ—сиськымтэз, пешкырскем гонзэ, зйбыт луэмзэ но мукет урод макезэ, со сярэсь соку ик ивортэ фермалэн заведующеезлы но ветврачлы. Висысь кунянез, катыськытчозяз, нимаз вис'ям помещеничп возёно, Сыче помещение котькуд кунял гидын мед луоз.

Вань та выль верам правилоосты санэ басытды ке, котькуд вож кунял скаллы пöрмоз. И озыы, пинал'ёс, тй туж бадзым пайда сётодо асьмелэн родинамылы.

В. П. Рышков.



Шилоской районьсь, Рязанской областэсь Санской неполной средней школалэн пионеркаез-отличницаез Люся Соникова. Со 20 мурт пионер'ёсын-школьник'ёсын Чош Кировлэн нимыныз нима орденосно колхозлэн молочно-товарной фермазысь пинал пудоосты шефствовать каре.

Отв. ред. А. Волнов.